

IZVJEŠTAJ SA SKUPŠTINE SGIG-A BIH

Skupština SGIG-a BiH održana je 18.12.1987.godine u 12,00 sati u prostorijama DIT-a sa slijedećim dnevnim redom:

1. Izbor radnih tijela,
2. Razmatranje i usvajanje izvještaja
3. Diskusija po izvještaju
4. Prijedlog za dodjelu društvenih priznanja SGIGJ iz BiH
5. Izbor delegacije SGIG BiH za Skupštinu SGIGJ
6. Usvajanje Programa za ostvarivanje saradnje SGIGBiH sa Savezom geodetskih inženjera i geometara SAP Kosovo
7. Razno.

Predsjedavajući predsjedništva SGIG BiH, drug Mustafa Begić, podnio je izvještaj o radu SGIG BiH za period od juna 1985. do decembra 1987.godine. Značajnija aktivnost Saveza ostvarena je organizovanjem republičkog savjetovanja u Banja Luci na temu: "Uspostava katastra nekretnina u Bosni i Hercegovini" i jugoslovenskog savjetovanja u Tuzli na temu "Planiranje i vrednovanje geodetskih radova". Karakteristika oba savjetovanja je da su teme dobro odabrane, što je pokazala i velika zainteresovanost od strane učesnika.

U izvještajnom periodu održan je i šesti kongres geodetskih inženjera i geometara Jugoslavije i SGIGBiH u potpunosti se uključio u aktivnostima priprema i održavanja Kongresa. Savez je preko podružnica u ovom periodu održao i pet stručnih predavanja.

Preko podružnica Saveza organizovane su drugarske večeri, posjete organizacijama udruženog rada, kao i stručna ekskurzija u DDR - posjeta tvornici instrumenata i geodetskog pribora CARL ZEISS JENA.

Neke podružnice Saveza posebno su radile na omasovljavanju članstva a time i na afirmaciji geodetske struke.

Predsjedništvo SGIG BiH je pored osnovnih zadataka u više navrata razmatralo i neka specifična pitanja, bitna za dalji razvoj geodetske djelatnosti, kao što su stanje i potrebe u kadrovima sa stanovišta uspostavljanja katastra nekretninama u SRBiH, zatim pitanje uredjenja poslova od zajedničkog interesa, na nivou SFRJ itd. Skupština je usvojila i smjernice za aktivnost Saveza u narednom periodu. Najvažnije su:

- Obezbjedjenje uspješnije saradnje sa Republičkom i opštinskim konferencijama SSRN, SIT BiH i savezima i društvima

- geodeta drugih socijalističkih republika i autonomnih pokrajina, te geodetskim asocijacijama Republike,
- Formiranje podružnica na onim regionima gdje ih nema, a postojeće podružnice jačati i razvijati njihovu aktivnost,
- Pružanje pune podrške Uredništvu i Izdavačkom savjetu glasila SGIĆ BiH "Geodetski glasnik",
- Činjenje daljih napora na ostvarivanju koncepta bržeg obrazovanja većeg broja geodetskog kadra prvog i drugog stepena, nastavljanje aktivnosti na redukciji škola srednjeg usmjerenog obrazovanja u BiH, koje obrazuju kadrove geodetske struke na potreban nivo,
- Materijalno jačanje SGIĆ BiH.

Na ovoj skupštini drug Mustafa Begić je ponovo izabran za predsjedavajućeg Predsjedništva SGIĆ BiH.

Skupština je usvojila prijedlog da se dodijele priznanja:

- počasnog člana SGIĆ BiH
Selesković Faruk
Šehović Sead
- zaslužnog člana SGIĆ BiH
Momčilović Milan
Sarić Šućrija
Arnautović Kemal
Senjić Ruža
Lukić Ilija
Lozančić Drago
Tanović Raza
Lukić Nikola
Očuz Galib
Dozić Mustafa
Kapetanović Dragica
Lejić Vlado
- plaketa SGIĆ BiH
Tucaković Zlata

Takodje su usvojeni prijedlozi:

- da se za uspješan dvadesetpetogodišnji rad dodijeli Geodetskom zavodu u Sarajevu jedno od društvenih priznanja na nivou SFRJ
- da se krugu Korpič Jožefu dodijeli društveno priznanje zaslužnog člana SGIĆ Jugoslavije.

Na ovoj skupštini je usvojeno da se Dan geodeta organizuje svake godine u maju mjesecu.

Antonija Okić